

SCRIPTA

Numéro Scripta : 2123

Auteur(s) : Gautier de Courcelles [chevalier]

Bénéficiaire(s) : Eudes Rigaud, Rouen (archevêque)

Genre d'acte : charte

Authenticité : non suspect

Datation : 1266, mars

Action juridique : autre

Langue du texte : latin

Analyse

Gautier de Courcelles, chevalier, approuve la vente faite par Pierre de Blamercourt, Hugues du Plessis, chevaliers, et Pierre de Blarru, écuyer, exécuteurs testamentaires de Catherine, sa femme, à l'archevêque de Rouen, Eudes Rigaud, du tiers des héritages de cette dame, situés sur le territoire de Louviers, moyennant deux cent quarante livres tournois, employées par eux à payer les legs contenus dans son testament, et pour le surplus, s'il y en a, en prières pour le salut de l'âme de la testatrice.

Tableau de la tradition

Éditions principales

a. Bonnin Théodose, *Cartulaire de Louviers*, Évreux, Hérissé, 1870-1873, 6 vol., t. 1, n° CCLXVIII, p. 310.

Dissertation critique

Entre les 1-27 mars 1266 : Pâques tombe le 28 mars en 1266 et le 5 avril en 1265.

Texte établi d'après a

Universis presentes litteras inspecturis. Galterus de Corcellis, miles, salutem in Domino.

Noverint universi quod cum Katherina, quondam uxor mea, Petrum de Blamercourt, Hugonem de Plesseio, milites, et Petrum de Blarru, armigerum, executores testamenti sui seu ultime voluntatis constituerit et eisdem executoribus suis potestatem et speciale mandatum dederit, prout in dicto testamento seu ultima voluntate ipsius Katherine plenius continetur, vendendi et alienandi terciam partem totius hereditatis ipsius Katherine, et ex pecunia inde redacta solvendi legata facta ab eadem in dicto suo testamento seu ultima voluntate, et residuum, si quod esset, convertendi in pios usus pro anima ejusdem defuncte, et dicti executores postmodum vendiderint reverendo patri O., Dei gratia, Rothomagensi archiepiscopo, terciam partem totius hereditatis ejusdem existentis in villa, territorio de Locoveris, seu moltis vel banno pertinentibus ad molendina de Locoveris, pro ducentis et quadraginta libris Turonensium, eisdem executoribus ab eodem patre seu ejus mandato integre persolutis.

Tenendam et habendam predicto patri et ejus successoribus seu causam habentibus ab eodem libere et quiete, sine aliqua reclamacione de cetero in dicta tercia parte ab aliquo facienda, venditioni predictae consensi et consentio, et eam laudavi et laudo et ratam habeo, salvo tamen michi jure quod michi potest competere in ipsa tercia parte ratione viduitatis mee secundum usum et consuetudinem regionis.

In cujus rei testimonium, presentibus litteris sigillum meum apponere dignum duxi.

Actum anno Domini M° CC° LX° quinto, mense martii.